



COMUN GENERAL
DE FASCIA



ISTITUT CULTURAL LADIN
Museo di Foscagno



SCOLA LADINA
DE FASCIA



Union di Ladins de Fascia



REGIONE AUTONOMA TERRE ALTE
AUTONOME REGIONI TERRE ALTE
REGIONE AUTONOMA DENTRO ALTA

AISCIUDA LADINA

Festival del lengaz



1-8 de mé 2016

**volontariat sozièl, didament,
dependenzenes, identità, lengaz**

PAROLES DANTFORA

Aisciuda ladina-festival del lengaz. Na setemèna de scomenzadives e festa per valorisèr noscia sozietà ladina, sie esser e sia jent, tolan ite duta la comunanza, duc e vigniun. Per chesta nona edizion l Comun general de Fascia à cernù desche argument l sozièl, per ge dir detelpai a duta chela jent de Fascia che, per amor di etres e aldò de na arpejon ritèda da nesc giaves, se dèsc jù per didèr chi che à de besegn.

Crousc checena e biencia, socors da mont, studafech, donatores de sanch, sociazions de didament ai malé, pìcioi, jent de età e pedimenté, gropes che se dèsc jù per i peres del mond, jent che se deida a scuf descheche ne ensejna chela veiora usanza de fèr e stèr adum per se baratèr competenzes e saeres; gropes gregn e pìcoi, che fosc nience no sion stac bogn de dombrèr un a un, ma che envion a se palesèr e a festejèr chesta Aisciuda. Moments de reflescion, legreza e atività metui a jir apontin te la sentes de chesta sociazions, che ge aur sie ujes a la comunanza te n moment canche la val tèsc e i ladins troa endodanef sia pèsc e n moment per pissèr a sé.

La jebia, te caserma di studafech de Poza, vegnarà rejonà de chesta Aisciuda, de la gaissa viva e sciantiva del volontariat, de dependenzes e dejèjes, con na vèrda particolèra al valor che la sociazions de Fascia à per troèr l met de didèr i etres con gaissa, profesionalità e dedizion.

L vender dedicà ai bec de la scola autes, co na bela endesfida de Bertol e animà dai bec del projet VIF - health project, per jir tel fon del segnificat de la dependenzes da la tecnologies, da lejer da n pont de veduda spezièl, chel de la libertà.

E per fenir la sabeda, moment zentrèl de l'Aisciuda ladina: LA OLIMPIADES DE LA SOLIDARIETÀ, endrezèdes e voludes con gran gaissa da la sociazions e dal Comun general.

Ve envion de cher duc a tor pèrt a la scontrèdes e a la scomenzadives che troède te chest program, e a esser voetres, ladins de Fascia, i protagonisc, per aprijièr e ve goder moments de reflescion e legreza, per rejonèr ladin e percheche podassane troèr endodanef la reijes del stèr e fèr adum, su la notes che i bec del projet VIF de la Scola ladina à scrit e ciantà per chesta Aisciuda.

L'Aisciuda ladina la é de la comunanza: scolees, scolines, gropes, sociazions, protagonisc de la edizions passèdes, bec, joegn, jent grana e de età, families... Ve speton!

Caserma di Studafech de Poza – 17.00


SE AUR L' AISCIUDA

- salut de la autoritèdes
- l'Aisciuda ladina 2016: scomenzadives e obietives
- prejentazion de “Bertol comics. Patofies dessegnèdes dai studenc de la scola mesènes de Fascia”
- VIF e volontariat: I percors fat enschin ades e la prospetives per l davegnir. Intendimenc de pianificazion per na colaborazion col teritorie en cont de didament uman e sozièl.
- la sociazions protagonistes de chesta Aisciuda se portadant con video, promozion e confronc co la jent



marendel endrezà da la sociazion Picola solidarietà de Ciampedel

“Bertol Comics – patofies dessegnèdes dai studenc de la scola mesènes de Fascia”: n folio olache i scooles porta dant curta patofies de la vita de Bertol; na publicazion pissèda e voluda dal professor Manuel



Riz che, delaite da n laboratorie de dessegn, l'ge à dat l met ai bec de se arvejinèr a chest nef personaje de la tradizion, simbol de la politica linguistica ladina de Fascia. E dantfora la vera storia de Bertol: chi che l'é, olache l'é nasciù, che che l'à studià e sie amor per l lengaz e i picioi ladins. Neves da no perder!


Scola autes de Fascia - Oratorie de Poza

Taca I cef, destaca I fonin: na bela neva per i scolees de Fascia. Di mingol alternativa per i scolees de la scola autes...

Reflescion e ativitèdes su la dependenzes e sul valor di raporc sciantives, co l'intervent de don Mario Bravin, "Col pont de veduda de la libertà", e l'animazion di peer leader del projet VIF.

"Col pont de veduda de la libertà": ge aede mai vardà a la dependenza e al viz desche a na limitazion de la libertà? Fèr chel che se vel de sia vita vel dir saer ence dir de no, esser desvalives dai etres. E da chiò nasc la forza, chela de poder cerner, chela de poder fèr zenza e de stèr ben con nosc esser.

VIF – Health project: l'è la rei sozièla de solidarietà de la Scola ladina de Fascia, che l'ha desche obietif chel de engaissèr na vida de viver sèna e la partezipazion ativa di joegn al teritorie. L'educazion anter compagnes (peer leader) l'è un di aspec particulères del projet VIF: no l'è l'ensegnant a portèr dant contegnui, ma i bec medemi che vegn formé per informèr i compagnes. N auter obietif del projet VIF l'è la solidarietà, ence internazionèla.



20.30 "Cendrejina": I filmat de la opera de teater portèda dant l'an passà de setember te Teater sozièl de Trent te l'ocajion de la Dì de l'autonomia. Vegnarà venù i CD co la museghes de l'opera, per tor sù bonamans per i projec umanitères de VIF.

Caserma de la protezion zivila de Cianacei

15.00 LA OLIMPIADES DE LA SOLIDARIETÀ: garejèda a squadres per veies, femenes, omegn, joegn, bec, bogn e zompes, endrezèda dai gropes e da la sociazions de Fascia, con percorsc e proes pissé da la sociazions, domanes de cultura, identità e teritorie e sun contegnui che revèrda l'atività de la sociazions de volontariat. Duc, delbon duc, pel tor pèrt. Jent, vegnì fora de cèsa che l'é aisciuda e toleve dò amisc, giaves, pìcioi e malé.

La squadres vegnarà metudes adum aldò de na enscinuazion: podede ve oujer ai Servijes linguistics del Comun general dant che sie fora i 29 de oril del 2016 sun chest numer 0462762158 o scriver ite a chesta mail: cultura@comungeneraldefascia.tn.it.

Aur la olimpiades la band de VIF.

18.00 messa ladina per duta la comunanza, dita da don Mario Bravin te Caserma de la Protezion zivila de Cianacei

19.30 cena de solidarietà con speisa ladina **Vegn domanà de se enscinuèr semper chiaman ite i Servijes linguistics del Comun general o scrivan na mail.**

21.00 musega e bal coi Bonderes

Per cena e musega entrèda con bonaman che ge vegnarà donà a la Cèsa de paussa de Vich per la compra de èrc che l'é de besegn.

FORA PER LA SETEMÈNA

La vedrina de la solidarietà: vigni dì te n piaz di 7 Comuns de Fascia na mostra a l'averta che la so-ciazions de volontariat ge sporc a la comunanza, per moscèr sia ativèdes e per engaissèr joegn e manco joegn a se dèr jù te chisc gropes e a fèr e stèr adum:

- en domenia prum a Moena: Piaz de Sotegrava
- en lunesc ai 2 a Soraga: tedant a la Gran Ciasa
- en mèrtesc ai 3 a Vich: tedant Cèsa de Comun
- en mercol ai 4 a Mazin: anter la gejia e l'APT
- en jebia ai 5 a Pera: Caserma di studafech
- en vender ai 6 a Poza: Piazza del Malgher
- en sabeda ai 7 a Cianacei: senta de la Protezion zi-vila
- en domenia ai 8 a Ciampedel: Piaz de Ciampedel

Te Scola:

- Bertol fora per scoles e scolines con sie dons, sia storia e sia legreza
- te la scolines vegn dat fora magnadiva ladina e metù a jir scomenzadives en cont de solidarietà e didament
- te duta la scola mesènes de Fascia vegn portà dant "Bertol comics"
- te la scola auta moments de reflescion e ativèdes en cont de volontariat sozièl, didament e dependenzes (v. vender ai 6)
- vijita a la mo-stra "La vedri-na de la soli-darietà"





Fondazione Il Sollievo
Onlus Fiemme e Fassa





PER MAOR INFORMAZIONI

Comun general de Fascia

Servijes linguistics e culturèi

Str. di Pré de geja, 2

38036 – POZA (TN)

tel 0462-762158

fax 0462-763046

e-mail: cultura@comungeneraldefascia.tn.it